



Vijeće za konkurentnost

Broj: 02-02-895-1/15-XVI
Jablanica, 20.12.2016. godine

**Izvod iz zapisnika sa XVI sjednice Vijeća za konkurentnost općine Jablanica
održane dana 20.12.2016. godine sa početkom u 14:00 sati**

Prisutni: Salem Dedić – Općinski načelnik, Dženan Mulahasanović – zamjenik predsjednika VZK, Mate Mijić predsjedavajući OV-a Jablanica, Amela Muratović – predstavnik LER-a, Amira Nuhić – predstavnik Službe za prostorno uređenje, Miralem Hamza – predstavnik Službe za opću upravu, Remza Čolić – predstavnik Službe za opću upravu, Admir Đelmo – Savez poljoprivrednih udruženja Jablanica, Ragib Mehmedagić – predsjednik VZK-a Amil Babić – „Babić“ d.o.o. Jablanica, Jusuf Džafić - „Voćepromet“ d.o.o. Jablanica, Esad Ćosić – predstavnik „Prominvest“ d.o.o. Jablanica, Edin Budim – „Labrador“ d.o.o. Jablanica, Ivan Zelanika – predstavnik JP EP HZHB - Radna jedinica Jablanica, Jasmin Zahirović – predstavnik Biro rada Jablanica.

Odsutni: Jasmina Hindić – AC Sunce d.o.o. Jablanica, Senad Kovačević – Restoran „Kovačević“ Jablanica i predstavnik JP EP BiH HE n/N.

Predsjednik VZK-a, Ragib Mehmedagić je pozdravio prisutne, utvrdio da postoji kvorum za rad VZK-a i predložio dnevni red:

1. Izvod iz zapisnika sa XV sjednice VZK-a
2. Rasprava:
 - a. Budžet općine Jablanica za 2017. godinu – nacrt
 - b. Operativni plan Implementacije Integralne strategije razvoja općine Jablanica za 2017. godinu sa planom realizacije kapitalnih investicija – nacrt
 - c. Odluka o izvršenju Budžeta za 2017. godinu - nacrt
3. Jednogodišnji i višegodišnji plan kapitalnih investicija – rasprava
4. Odluka o izmjenama i dopunama Odluke o poslovnom radnom vremenu – prijedlog, rasprava
5. Regulacionog plana za privrednu zonu Doljani – Bijeli Potok – rasprava
6. Odluka o pristupanju izradi ciljanih izmjena i dopuna Prostornog plana općine Jablanica za period 2016-2025. godina – rasprava

7. Prezentacija materijala BFC
8. Razno.

Dnevni red usvojen jednoglasno.

Ad 1) Izvod iz zapisnika sa XV sjednice VZK-a

Amil Babić je istakao da u Izvodu iz zapisnika sa XIV sjednice nije tačno navedena njegova izjava o uvođenju limitatora za ugostitelje. Predložio je da ugostitelji koji žele da dobiju odobrenje za produženo radno vrijeme obavezno moraju imati limitatore.

Zaključak: Izvod iz Zapisnika sa XIV sjednice sa dopunom usvojen je jednoglasno.

Ad 2) Rasprava:

- a. Budžet općine Jablanica za 2017. godinu – nacrt**
- b. Operativni plan Implementacije Integralne strategije razvoja općine Jablanica za 2017. godinu sa planom realizacije kapitalnih investicija – nacrt**
- c. Odluka o izvršenju Budžeta za 2017. godinu - nacrt**

Općinski načelnik prisutnima je predstavio nacrt Budžeta općine Jablanica za 2017. godinu, Operativni plan Implementacije Integralne strategije razvoja općine Jablanica za 2017. godinu sa planom realizacije kapitalnih investicija - nacrt i Odluku o izvršenju Budžeta za 2017. godinu - nacrt

Amil Babić ističe da su na Upravnom odboru Udruženja privrednika Jablanica sagledali navedene dokumente i mišljenja su da je Budžet za 2017. godinu ide sve više u razvojnom pravcu. Osvrnuo se na sastanak o javno-privatnom partnerstvu održan u Općini Jablanica sa predstavnicima Agencije za privatizaciju HNK i predložio da se u 2017. godine ozbiljnije krene sa pripremom projekata koji bi se realizovali u narednim godinama kroz JPP (javna rasvjeta, Dom za stara i iznemogla lica, obdanište i Muzej) i veće ulaganje u privredu.

Zaključak: VZK Jablanica smatra da je Nacrt Budžeta za 2017. godinu dobra osnova za donošenje prijedloga uz težnju za povećanjem razvojne komponente Budžeta u narednim godinama.

Ad 3) Jednogodišnji i višegodišnji plan kapitalnih investicija – rasprava

Dženan Mulahasanović u uvodnoj riječi je predstavio Plan kapitalnih investicija za preiod 2017-2019. godina i istakao da je plan dobra polazna osnova da se privredni sektor upozna sa planovima razvoj Općine Jablanica.

U kraćoj diskusiji učestvovali su Amil Babić, Jasmin Zahirović i Općinski načelnik.

Zaključak: VZK daje saglasnost na prezentirani plan kapitalnih investicija za period 2017-2019. godina

Ad 4) Odluka o izmjenama i dopunama Odluke o poslovnom radnom vremenu – prijedlog, rasprava

Uvodnu riječ o izmjenama i dopunama Odluke o poslovnom radnom vremenu dao je Hamza Miralem i istakao da se glavni dio Odluke odnosi na postupak izdavanja odobrenja za produženi rad ugostiteljskog objekta. Propisano je da se odobrenje za rad može izdati vlasniku ugostiteljskog objekta koji ima limitator zvuka.

Amil Babić ističe da su članovi UO UPJ pozvali ugostitelje na sastanak, te da se odazvao mali broj pozvanih. Obavijestili su članove UO da je osnovana sekcija ugostitelja, da su obišli teren i upoznali članove sa prijedlogom Odluke, te da nije veliki interes za primjenu iste. Mišljenje većine ugostitelja je da će radije platiti kaznu nego se izlagati trošku nabavke limitatora.

Načelnik ističe dilemu da li je Zakonskim propisima utvrđeno da svaki ugostiteljski objekat mora imati limitator, te da je u rješavanju ovog problema podijeljena nadležnost između Općine, PS Jablanica i kantonalne inspekcije. Predlaže da Odluka prije praznika ide u hitnu proceduru usvajanja na OV Jablanica.

Esad Ćosić smatra da u nadležnoj općinskoj službi nije urađena analiza izdatih odobrenje i ko od navedenih krši zakonske odredbe kako bi se isti mogli sankcionisati.

Miralem Hamza navodi da policija ima nadležnost postupanja po ovom pitanju i bez Općine. Istakao je da je izabran subjekt koji može vršiti limitaciju zvuka, te da je o tome komunalni inspektor obavijestio sve ugostitelje. Nije bilo interesa ugostitelja, uslijedio je bojkot.

U nastavku diskusije učestvovali su Amil Babić, Esad Ćosić, Općinski načelnik, Dženan Mulahasanović. Predlagano je da se ne izdaju odobrenja za produženi rad ugostiteljskih objekata u gradskom području. Oko ovog stava mišljenja prisutnih su bila podijeljena

Juso Džafić ističe da ima osjećaj da se to ne dešava u svim ugostiteljskom objektima koji traže odobrenje za produženo radno vrijeme nego u 2-3 objekta, te da zbog toga ne treba svi da snose posljedice takve Odluke.

Za Matu Mijića veći problem je da ugostiteljski objekti rade od 7-23 i imaju jednog prijavljenog radnika.

Esad Ćosić navodi kako u periodu produženog radnog vremena ne radi fiskalizacija, ne izdaju se računi.

Zaključak: VZK daje saglasnost da se Odluka o izmjenama i dopunama Odluke o poslovnom radnom vremenu uputi na sjednicu Općinskog vijeća.

Ad 5) Regulacionog plana za privrednu zonu Doljani – Bijeli Potok – rasprava

Uvodnu riječ ispred Službe dala je Amira Nuhić.

Amil Babić navodi da nisu uvažene primjedbe VZK o poljoprivrednom zemljištu na lijevoj strani rijeke Doljanke i pita prisutne ko je važniji poslovna zajednica ili izrađivač plana.

Amira Nuhić pojašnjava da Zakon o poljoprivrednom zemljištu ne dozvoljava nikakvu gradnju u prvoj agrozoni.

Admir Đelmo predlaže planiranje jednog objekta za obavljanje poljoprivrede kao industrijske proizvodnje.

Zaključak: VZK daje saglasnost da se uz primjedbe prezentirani materijal uputi na usvajanje na OV kao nacrt Regulacionog plana za privrednu zonu Doljani – Bijeli Potok te da se u narednih 30- 60 dana daju primjedbe na isti kako bi dobili kvalitetan prijedlog plana.

Ad 6) Odluka o pristupanju izradi ciljanih izmjena i dopuna Prostornog plana općine Jablanica za period 2016-2025. godina – rasprava

Amira Nuhić je dala uvodnu riječ o ciljanim izmjenama i dopunama Prostornog plana općine Jablanica za period 2016-2025. godina nakon čega je otvorena rasprava.

Nakon kraće diskusije u kojoj su učestvovali Ragib Mehmedagić i Općinski načelnik data je saglasnost na ovu Odluku.

Zaključak: VZK daje saglasnost na Odluka o pristupanju izradi ciljanih izmjena i dopuna Prostornog plana općine Jablanica za period 2016-2025. godina

Ad 7) Prezentacija materijala BFC

Ispred Službe za lokalni ekonomski razvoj i investicije, finansije i trezor Amela Muratović je izvršila prezentaciju promotivnog materijala izrađenog u proteklom periodu za potrebe procesa certifikacije BFC.

Članovima VZK prezentirani su slijedeći materijali::

- Video prezentacija općine Jablanica
- Vodiči: Za investitore, Eksploatacija i obrada kamena, Vodiči za poljoprivrednu proizvodnju i Turizam
- Flyeri: Privredne zone, Eksploatacija i obrada kamena, Poljoprivredna proizvodnja i Turizam

Zaključak: VZK podržava prezentirane materijale, u elektronskoj verziji, te će se isti dostaviti svim članovima VZK na sagledavanje i davanje primjedbi i sugestija na isti u narednih 7 dana.

Ad 8) Razno

Amela Muratović dostavila je prisutnim članovima Obrazac za precizno definisanje problema koji je dostavio LiNK Mostar, a u vezi sa uspostavljanjem registra parafiskalnih nameta za bolje poslovno okruženje.

Članovi VZK su istakli da, što se tiče općinskih parafiskalnih nameta, nemaju problem jer isti nisu veliki.


Problem im predstavljaju parafiskalni nameti utvrđeni od viših nivoa vlasti, što su istakli i na sastanku sa LiNK-om.

Članovi VZK su ponijeli obrasce sa sobom uz obavezu da iste još jednom sagledaju i vrate u srijedu Službi za lokalni ekonomski razvoj i investicije, finansije i trezor, ukoliko iste popune.

Ragib Mehmedagić, predsjednik VZK-a zaključuje sjednicu u 16:10 sati.

Zapisničar

Jasminka Omanović

Predsjednik VZK

Ragib Mehmedagić